



**PRAVILNIK
O KORIŠTENJU VLASTITIH PRIHODA
UNIVERZITETA U SARAJEVU**

Sarajevo, januar 2024. godine



UNIVERZITET U SARAJEVU

**PRAVILNIK
O KORIŠTENJU VLASTITIH PRIHODA
UNIVERZITETA U SARAJEVU**

Sarajevo, januar 2024. godine

Pravilnik o korištenju vlastitih prihoda Univerziteta u Sarajevu - 2

SADRŽAJ

| | |
|---|---|
| DIO PRVI – OSNOVNE ODREDBE | 4 |
| DIO DRUGI – STICANJE VLASTITIH PRIHODA | 5 |
| DIO TREĆI – KORIŠTENJE VLASTITIH PRIHODA..... | 6 |
| DIO ČETVRTI – ZAVRŠNE ODREDBE | 8 |

Na osnovu člana 27., a u vezi sa članom 59. Zakona o visokom obrazovanju („Službene novine Kantona Sarajevo“, broj 36/22), na osnovu člana 60. i 132., a u vezi sa članom 288. Statuta Univerziteta u Sarajevu, Upravni odbor Univerziteta u Sarajevu je, uz prethodno Mišljenje Odbora za normativna pitanja, broj: 0105-12478-4/23 od 14. 12. 2023. godine i Mišljenja Odbora za finansije Univerziteta u Sarajevu, broj: 0105-12631/23 od 08. 12. 2023. godine, na prijedlog Senata Univerziteta u Sarajevu broj: 01-21-5/23 od 20. 12. 2023. godine, na svojoj 22. redovnoj sjednici održanoj 30. 01. 2024. godine, *u s v o j i o*

PRAVILNIK O KORIŠTENJU VLASTITIH PRIHODA UNIVERZITETA U SARAJEVU

DIO PRVI – OSNOVNE ODREDBE

Član 1.

(Predmet Pravilnika)

Pravilnikom o korištenju vlastitih prihoda Univerziteta u Sarajevu (u daljem tekstu: Pravilnik) utvrđuju se vrste vlastitih prihoda koje Univerzitet u Sarajevu (u daljem tekstu: Univerzitet) i njegove članice u sastavu ostvaruju, pravna osnova ostvarivanja, te namjena i način korištenja vlastitih prihoda koje Univerzitet i članice ostvaruju obavljanjem svoje registrirane djelatnosti, a koje se ne finansiraju iz sredstava Budžeta Kantona Sarajevo (u daljem tekstu: Budžet).

Član 2.

(Vlastiti prihodi)

- (1) Pod vlastitim prihodima (u daljem tekstu: vlastiti prihodi) podrazumijevaju se prihodi koje Univerzitet i članice ostvare u skladu odredbama člana 25. i 27. Zakona o visokom obrazovanju („Službene novine Kantona Sarajevo, broj 36/22) – (u daljem tekstu: Zakon), javni vlastiti prihodu u skladu sa odredbama Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije BiH“, broj 104/22) i Pravilnika o javnim vlastitim prihodima Univerziteta u Sarajevu, Pravilnika o izmjenama i dopunama pravilnika o načinu uplate, pripadnosti i raspodjele javnih prihoda u Federaciji Bosne i Hercegovine („Službene novine Federacije BiH“, broj 37/23) i odredbama relevantnih propisa koji su na snazi i koji reguliraju ovu oblast, te ostali prihodi i primici nastali obavljanjem svoje registrirane djelatnosti, kao i ostalih poslova na tržištu.
- (2) Vlastiti prihodi koje ostvari Univerzitet i članice uplaćuju se na Jedinostveni račun Trezora Kantona Sarajevo, a koriste se u skladu sa Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta.

DIO DRUGI – STICANJE VLASTITIH PRIHODA

Član 3.

(Vrste vlastitih prihoda)

- (1) U skladu sa Zakonom, Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta/članice, vrste vlastitih prihoda koje ostvaruje Univerzitet i članice Univerziteta su:
 - a) javni vlastiti prihodi Univerziteta/članica;
 - b) prihodi od realizacije kurseva, seminara, mikrokvalifikacija, pripreme nastave, ljetnih/zimskih škola, te različitih oblika necikličnog i cjeloživotnog obrazovanja;
 - c) prihodi od naučnoistraživačkih i umjetničkoistraživačkih projekata;
 - d) prihodi i primici od tekućih transfera Kantona Sarajevo, drugih nivoa vlasti i međunarodnih organizacija;
 - e) prihodi od donacija pravnih i fizičkih lica;
 - f) prihodi od legata, poklona i zavještanja;
 - g) prihodi od tehnoloških centara, programa, projekata i slično;
 - h) prihodi od domaćih i međunarodnih programa i projekata;
 - i) prihodi od autorskih prava, patenata i drugih prava intelektualne svojine;
 - j) prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;
 - k) prihodi i primici od drugih izvora u skladu sa zakonom i registrovanom djelatnošću; te
 - l) prihodi i primici od ostalih akademskih i naučnih, umjetničkih i istraživačkih aktivnosti u skladu sa djelatnošću koju Univerzitet obavlja
- (2) Vlastiti prihodi iz stava (1) ovog člana koje ostvaruje članice Univerziteta utvrđuju se na način propisan zakonom i drugim relevantnim propisima, općim aktima Univerziteta, te pojedinačnim aktima članice Univerziteta.
- (3) Ostali prihodi koji nisu obuhvaćeni odredbama Zakona, Pravilnikom o vrstama vlastitih javnih prihoda u Federaciji Bosne i Hercegovine, te Pravilnikom o izmjenama i dopunama pravilnika o načinu uplate, pripadnosti i raspodjele javnih prihoda u Federaciji Bosne i Hercegovine, kao i drugim relevantnim propisima, predstavljaju vlastite prihode članica Univerziteta.
- (4) Primitak od prodaje imovine Univerziteta uplaćuju se na Jedinstveni račun Trezora Kantona Sarajevo, a u korist Univerziteta.

Član 4.

(Sticanje vlastitih prihoda)

- (1) Univerzitet i članice Univerziteta stiču vlastite prihode u skladu sa:
 - a) Zakonom, Pravilnikom o javnim vlastitim prihodima Univerziteta u Sarajevu, ovim Pravilnikom i drugim općim aktima Univerziteta;
 - b) sporazumima/ugovorima o realizaciji međunarodnih i domaćih naučnoistraživačkih, umjetničkoistraživačkih i stručnih projekata Univerziteta/članica;

- c) sporazumima/ugovorima sa zavodima i ostalim institucijama iz oblasti/djelatnosti zdravstva i veterinarstva;
- d) sporazumima/ugovorima o komercijalizaciji intelektualnih dobara/intelektualnog vlasništva Univerziteta/članica i;
- e) drugim propisima/sporazumima/ugovorima koji reguliraju predmetnu oblast, u skladu sa obavljanjem svoje registrirane djelatnosti, kao i realizacijom ostalih poslova na tržištu.

DIO TREĆI – KORIŠTENJE VLASTITIH PRIHODA

Član 5.

(Način raspodjele prihoda)

- (1) Ostvareni vlastiti prihodi iz člana 3. ovog Pravilnika raspoređuju se na sljedeći način:
 - a) 92% prihoda upotrebljavaju se za pokriće troškova nastalih obavljanjem poslova i zadataka vezanih za ostvarivanje vlastitih prihoda, tekućih i kapitalnih izdatka, te razvoj i unapređenje nastavno-naučnog procesa i poboljšanje materijalne i tehničke opremljenosti članice Univerziteta, kao i za ostale troškove koji nisu pokriveni budžetskim sredstvima, a čine sastavni dio finansijskog plana/budžeta Univerziteta;
 - b) 5% prihoda izdvajaju se za Fond za razvoj Univerziteta;
 - c) 3% prihoda izdvajaju se za funkcionisanje zajedničkih službi Univerziteta.
- (2) Raspored sredstava iz tač. b) i c) stava (1) ovog člana obavlja se u skladu sa instrukcijom koju donosi Upravni odbor Univerziteta.

Član 6.

(Izuzeca od načina raspodjele prihoda)

- (1) Sredstva članica u sastavu grupacije medicinskih nauka Univerziteta koja se doznavaaju od Zavoda zdravstvenog osiguranja Kantona Sarajevo, ministarstava zdravlja i poljoprivrede, kao i iz drugih fondova, te sredstva koja članice Univerziteta iz grupacije medicinskih nauka Univerziteta ostvare obavljanjem zdravstvene/veterinarske djelatnosti, izuzimaju se od obveze prenosa/preknjiženja u Fond za razvoj Univerziteta i za funkcionisanje zajedničkih službi Univerziteta.
- (2) Od obaveze prenosa/preknjiženja sredstava u Fond za razvoja Univerziteta izuzimaju se i:
 - a) prihodi od naučnoistraživačkih i umjetničkoistraživačkih projekata;
 - b) prihodi od donacija pravnih i fizičkih lica;
 - c) prihodi od legata, poklona i zavještanja;
 - d) prihodi od stručnih projekata, stručnih ekspertiza, stručnih, naučnoistraživačkih i umjetničkoistraživačkih skupova/konferencija;
 - e) prihodi od autorskih prava, patenata i drugih prava intelektualne svojine;
 - f) prihodi od izdavačke djelatnosti;
 - g) prihodi od pružanja zdravstvenih i stomatoloških usluga i usluga edukativnog zdravstva, te realizacije zdravstvene i veterinarske djelatnosti, odnosno djelatnosti laboratorija, instituta, poliklinika i klinika;

- h) namjenska sredstva koja se doznavaču članicama Univerziteta u skladu sa odlukama resornih ministarstava i drugih organa uprave, a koja su u skladu sa članom 5. ovog Pravilnika vlastiti prihod.
- (3) Od obaveze prenosa/preknjiženja sredstava za funkcionisanje zajedničkih službi Univerziteta izuzimaju se:
- a) prihodi od stručnih domaćih i međunarodnih projekata;
 - b) namjenska sredstva za namjenske kapitalne izdatke;
 - c) namjenska sredstva koja se doznavaču članicama Univerziteta u skladu sa odlukama resornih ministarstava i drugih organa uprave, a koja su u skladu sa članom 3. ovog Pravilnika vlastiti prihod;
 - d) ukoliko je ovaj oblik izdataka odredbama ugovora nije dopušten.
- (4) Izuzetno, po zahtjevu članice, Rektor Univerziteta može posebnom odlukom izuzeti od obaveze prenosa/preknjiženja u Fond za razvoj i druge izvore i vrste vlastitih prihoda članice Univerziteta.

Član 7.

(Raspodjela prihoda Fonda za razvoj)

Način raspodjele sredstava Fonda za razvoj Univerziteta vrši se u skladu sa Pravilnikom o načinu raspodjele sredstava Fonda za razvoj Univerziteta u Sarajevu.

Član 8.

(Namjensko trošenje vlastitih prihoda)

- (1) Vlastiti prihodi Univerziteta/članice koriste se za pokriće izdataka nastalih obavljanjem poslova od kojih se ostvaruju vlastiti prihodi i isplate plaća zaposlenim na Univerzitetu/članici, a ostatak za tekuće i kapitalne izdatke, te razvoj i unapređenje nastavno-naučnog, umjetničkog i istraživačkog procesa, poboljšanje materijalne i tehničke opremljenosti članice Univerziteta, kao i za ostale troškove koji nisu pokriveni budžetskim prihodima, u skladu sa općim aktom članice koji na prijedlog rukovodioca donosi vijeće članice.
- (2) Rukovodilac članice Univerziteta odgovoran je da u skladu sa registrovanom osnovnom djelatnosti, vlastite prihode troši namjenski, planski, transparentno, u skladu sa finansijskim planom/budžetom članice, Pravilnikom o finansijskom poslovanju Univerziteta u Sarajevu, Pravilnikom o plaćama i naknadama Univerziteta u Sarajevu, Pravilnikom o radu Univerziteta u Sarajevu, ostalim općim aktima Univerziteta u Sarajevu, kao i ugovorima/sporazumima, u skladu sa relevantnim propisima.
- (3) Vlastitim prihodima mogu se pokrivati i troškovi članice Univerziteta, i to:
- a) troškovi vezani za realizaciju aktivnosti kojima se ostvaruju vlastiti prihodi i to kroz isplate dodataka na plaću po osnovu radnog učinka i drugih oblika isplate naknada uz plaću zaposlenim na Univerzitetu/članici u skladu sa važećim kolektivnim ugovorom, Pravilnikom o plaćama i naknadama Univerziteta u Sarajevu i drugim općim aktima Univerziteta;

- b) troškovi vezani za realizaciju aktivnosti kojima se ostvaruju vlastiti prihodi i to kroz isplate ugovora o privremenim i povremenim poslovima, ugovora o autorskom djelu odnosno drugih obligacionih ugovora;
 - c) troškovi vezani za poslove podrške (administrativno-pravni poslovi i finansijsko praćenje poslova od kojih se ostvaruju vlastiti prihodi, provođenje tendera i drugi poslovi koji se obavljaju na i za potrebe članice),
 - d) troškovi korištenja prostora;
 - e) troškovi nabavke stalnih sredstava i imovine članice;
 - f) troškovi održavanja;
 - g) svi ostali troškovi i aktivnosti neophodni za provođenje djelatnosti članice Univerziteta i ostvarivanje vlastitih prihoda.
- (4) Vlastitim приходима могу се покривати и остали трошкови који нису покривени из буџетских прихода, те трошкови додатних активности vezanih за obavljanje različitih poslova u ostvarivanje vlastitih prihoda iz člana 3. ovog Pravilnika, u skladu sa finansijskim planom/budžetom Univerziteta.

Član 9.

(Isplate)

- (1) Isplate osoblju Univerziteta, kao i drugim licima koja nemaju zasnovan radni odnos na članici Univerziteta, utvrđene članom 8. ovog Pravilnika vrše se u skladu sa Pravilnikom o plaćama i naknadama Univerziteta u Sarajevu, Pravilnikom o radu Univerziteta u Sarajevu i općim aktima Univerziteta.
- (2) Isplate iz stava (1) ovog člana vrše se po pojedinačnim aktima koje donosi rukovodilac članice Univerziteta.

DIO ČETVRTI – ZAVRŠNE ODREDBE

Član 10.

(Postupak izmjena i dopuna)

Izmjene i dopune ovog Pravilnika vrše se na način i po postupku za njegovo donošenje.

Član 11.

(Tumačenje Pravilnika)

Tumačenje ovog Pravilnika daje Upravni odbor Univerziteta u Sarajevu.

Član 12.

(Provedba Pravilnika)

Upravni odbor, rektor, odnosno resorni prorektor, u okviru svojih nadležnosti, ovlašteni su da daju instrukcije u vezi provođenja ovog Pravilnika.

Član 13.

(Prestanak važenja ranijeg Pravilnika)

Stupanjem na snagu ovog Pravilnika prestaju važiti Pravilnik o korištenju vlastitih prihoda Univerziteta u Sarajevu broj: 02-28-8-1/23 od 23. 11. 2022. godine.

Član 14.

(Stupanje na snagu)

Ovaj Pravilnik stupa na snagu danom donošenja i objavljuje se na internetskoj stranici Univerziteta.

**PREDSJEDNIK
UPRAVNOG ODBORA**

Dr. sc. Murat Ramadanović

Broj: 02-2-6-1/24

Datum: 30. 01. 2024. godine

